
Vår referanse 2020/37132-58
Dato 28.10.2021


ALVER KOMMUNE
Postboks 4
5906 FREKHAUG**Fv. 564 Fløksand - Vikebø. Utviding av planområde av omsyn til handtering av overvatn**

Vi viser til planutkast for ny fv. 564 frå Fløksand til Vikebø i Alver kommune, som var ute på høyring nå i vår. I gjennomgangen av planen i samband med handsaming av merknader viser det seg at handtering av overvatn i sørlege del av planområdet er noko meir utfordrande enn tidlegare lagt til grunn. Dette gjeld begge planalternativa i sør, både A1 og A2. I samråd med Alver kommune sender vi som tiltakshavar ut informasjon om endringa, men jf. under skal merknader sendast til Alver kommune.

Handtering av overvatn vil vere avhengig av val av alternativ, vi har forskjellig utkast til løysing for alternativ A1 og alternativ A2. Generelt legg vi til grunn at areala i det utvida området skal vere uendra etter at anleggsarbeidet er gjennomført. Det skal leggjast ned nye overvassrøyr med betra kapasitet i eksisterande trasear for overvassleidningar. Det blir lagt opp til ein om lag 20 m brei trase med mellombels anleggsområde for å kunne tilpasse grøftetrase under arbeidet og ha plass til å arbeide med gravemaskin. Arealbruk elles er lagt inn i tråd med kommuneplanen.

Løysing for alternativ A1

I dette alternativet for ny fv. 564 blir det bygd ei ny rundkøyring om lag der krysset med fv. 5308 Vestbygdvegen ligg i dag. Nye vegar inn til kryssområdet vil gi litt auka tilførsel av overvatn inn i området. For å sikre god drenering ut frå området legg vi opp til ny overvassleidning søraustover langs dagens fv. 564 i om lag 200 - 250 m lengde til ein eksisterande vasskum. Denne kummen skal senkast om lag 1 m, og vi vil leggje nytt røyr i om lag 100 m lengde fram mot søkk/bekk som renn ned til myra og den vesle elva som kjem frå Brakstadvatnet.




Utsnitt av plankart alternativ A1 med utvidinga

Første del av traseen går langs eksisterende fv. 564 og vil få vegføremål med LNF og mellombels bygge- og anleggsområde ved sidan av vegen. Siste del vil, i tråd med kommuneplanen i området, bli LNF-område, og det vil bli mellombels bygge- og anleggsområde, med føresegnar som gitt i tidlegare planutkast, føresegnar pkt. 5.1. Området er ikkje vurdert i konsekvensutgreiinga. Søk i tilgjengelege databaser viser ikkje noko særskilt i området knytt til naturmangfald, naturressursar, friluftsliv eller kulturmiljø. Inngrepet utanfor eksisterande veg er mellombels, terrenget vil bli attendeført slik det var før tiltak.

Løysing for alternativ A2

I dette alternativet for ny fv. 564 blir det bygd ny rundkøyring om lag 250 m vest for krysset med fv. 5308 Vestbygdvegen. Nye vegar vil gi litt auka tilførsel av overvatn i området. I dag blir overvatn frå skogsområdet nord for fv. 564 ført inn i gamle, lukka kisteveiter som går under jordbruksområdet sør for fv. 564. Tilstanden til desse gamle lukka veitene er usikker, og det er uklart om dei har kapasitet til å ta i mot meir overvatn. Vi legg derfor til grunn at det kan bli nødvendig å leggje nye røyr i same trase. Eksisterande kisteveiter er opne i lia lengre ned, frå ein sti som går ned til nokre naust ved Sørastøa. Auken i tilførsel av overvatn er liten, og utbetringa av overvasssystemet er berre aktuelt der kisteveitene er lukka og i for dårleg stand. Lengda på strekninga der nye røyr kan vere nødvendig er om lag 200 - 250 m. Ved kryssing av kommunal veg Fløksand kan det ev. vere nødvendig med ein stikkledning pga. lågbrekk i terrenget.



Utsnitt av plankart alternativ A2 med utvidinga

I samsvar med kommuneplanen er området regulert til LNF-område, og det er mellombels bygge- og anleggsområde. Inngrepet er mellombels, terrenget vil bli attendeført slik det var før tiltak. Pkt. 5.1 i føresegnene i tidlegare planutkast er dekkande og for denne utvidinga.

Kort temavis om det utvida planområdet ut frå konsekvensutgreiinga og tilgjengelege data:

Landskapsbilet

Utvidinga er ein del landskapsområde L1 Fløksand i konsekvensutgreiinga, området er gitt middels verdi.

Naturressursar

Jf. konsekvensutgreiinga er området ein del av det som i ein temaplan til kommuneplan 2012 - 2016 er kjerneområde landbruk Fløksand. I konsekvensutgreiinga har delområde J1 Fløksand sør

fått middels verdi. Det er overflatedyrka og fulldyrka jord. Det blir lagt opp til å ta vare på matjordene og legge den på plass. Tidspunkt for arbeidet vil bli fastsatt i dialog med grunneigarane.

Naturmangfald

Området er ikkje vurdert eller synfart som del av konsekvensutgreiinga. Søk i Naturbasen viser at det er registrert ei eik, utvald naturtype store gamle eiker, like nedanfor planutvidinga. Eika står ovanfor strekket med open kisteveit og får etter vår vurdering ikkje verknader av planutviding og tiltak.

Kulturarv

Utvidinga går gjennom ein del av eit større område som i konsekvensutgreiinga for kulturarv er omtalt som delområde nr. 1 Fløksand - Leirvik. Delområdet er omtalt som eit heilskapleg miljø med stor tidsdjupne. Opplevingsverdi og kunnskapsverdi er stor, og området er gitt stor verdi.

Friluftsliv/bygdeliv

Ved utarbeiding av konsekvensutgreiing vart den lokale badeplassen Turneset/Sørastøa vurdert å ligge utanfor influensområdet for ny fv. 564, slik at området er ikkje vurdert i utgreiinga. Planutvidinga går over kommunal veg Fløksand og ned til sti ned mot Sørastøa. Kommunal veg og sti er tilkomst til det registrerte friluftslivområdet (kartlagde friluftsområde i Meland kommune, 2016) Turneset/Sørastøa, som er ein lokal badeplass. Overvatnet vil, som tidlegare bli ført inn i open kisteveit frå stien og nedover. Bortsett frå i anleggsperioden ved kryssinga vil stien ikkje bli påverka.

Vurdering

Planlagt tiltak vil ikkje føre til varige terrengendringar. Terrenget blir, jf. føresegner pkt. 5.1 d, attendeført slik det var før tiltak. Ut frå dette og omtalen elles over er vår førebelse vurdering at det ikkje vil vere negative konsekvensar knytt til tiltaket.

Informasjon og ev. merknader

Har de spørsmål rundt planutviding og tiltak så ta kontakt med Ingar Hals, ingar.hals@vlfk.no /974 73361. Har de spørsmål rundt kommunal handsaming så ta kontakt med planforvaltning@alver.kommune.no. Sjå elles våre nettsider for informasjon om planarbeidet generelt, <https://www.vestlandfylke.no/fylkesveg/vegprosjekt-i-vestland/nordhordlandspakken/fv.-564-floksand-vikebo/>.

Ev. merknader til utviding av planområdet og løysingane for handtering av overvatn skal sendast til Alver kommune. Bruk anten e-post, post@alver.kommune.no eller vanleg post, Alver kommune, Postboks 4, 5906 Frekhaug. Frist for innsending av merknader er 6. desember.

Avslutning

Etter at merknader er innkomne vil fylkeskommunen som tiltakshavar vurdere desse. Vi vil, ut frå tidlegare mottatte merknader til planutkastet og desse nye for overvatn, vurdere om vi eventuelt endrar vår tilråding av alternativ før vi sender saka til slutthandsaming i Alver kommune. Endeleg planvedtak og val av løysing blir gjort av kommunestyret i Alver kommune. Vi vil sende saka over til Alver kommune ganske raskt etter merknadsfristen 6. desember, og reknar med at endeleg vedtak av planen vil skje våren 2022.

Med helsing

Wilhelm Lund
leiar

Ingar Hals
sjefingeniør

Brevet er elektronisk godkjent og har difor inga handskriven underskrift

Mottakarliste

Helene Halland Anfinen	Fløksand 62	5918	FREKHAUG
Frode Anfinen	Fløksand 62	5918	Frekhaug
Torill Fløysand Jacobsen	Rosslandsvegen 1070	5918	Frekhaug
John Kåre Fløysand	Rosslandsvegen 1072	5918	Frekhaug

ALVER KOMMUNE	Postboks 4	5906	FREKHAUG
STATSFORVALTAREN I	Njøsavegen 2	6863	LEIKANGE
VESTLAND			R
Petter Dale	Teigane 2	5260	INDRE
			ARNA
Ove Evald Kristiansen	Vestbygdvegen 11	5919	Frekhaug
Malvin Fløysand	Vestbygdvegen 33	5919	Frekhaug
ALVER KOMMUNE TEKNISK	Postboks 4	5906	FREKHAUG
FORVALTNING OG DRIFT			
ADMINISTRASJON			
ALVER KOMMUNE NÆRING OG	Postboks 79	5906	FREKHAUG
UTVIKLING			
ALVER KOMMUNE	Postboks 79	5906	FREKHAUG
SAMFUNNSUTVIKLING			
ADMINISTRASJON			